

DISPUTATIO PHYSIOLOGICA
IN AUGURALIS,

D E
S P I R I T U.
Q U A M,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S.T.P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

EDMUNDUS LAYCOCK,
ANGLO-BRITANNUS.

Opinionum commenta delet dies, naturæ judicia confirmat.

CICERO de nat. deor. lib. 2. cap. 2.

Prid. Id. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,LXXVII,

Viro illustri

FLETCHERO NORTON,

A R M I G E R O,

Fisci apud Scotos Judicum uni ;

Hanc disputatiunculam medicam,

Ea qua decet modestia,

Et observatione debita,

Dicandum putavit

E. L A Y C O C K.

DISPUTATIO PHYSIOLOGICA

ALBERTO NORTON

D. E.

ALBERTO

S P I R I T U

Philosophiae Doctor, Jurisconsultus

OMINIUM scientiae partium nulla ma-
gis, quam corporis humani, opera et
cura hominum dignior est, nec si bene com-
prehendi posset, illa, nihil foret. Cum e-
nim nulla corporis actio non alio morbo,
multaeque in omnibus fere, plebsatur; ita
eandem cognitionem ad morbos tam cognos-
cendos, quam curandos, in primis valeat ne-
cesse est. Ex actionibus, quae in omni fere
maio partuntur, vitales, quibus sanguis mo-
vetur, et quibus spiritus peragitur, intelli-
guntur. Quae igitur cum tanti momenti
sint, si earum altitudo pro dispositionis
inaguralis argumento sumptis, non abs-

DISPUTATIO PHYSIOLOGICA

D E

S P I R I T U.

OMNIUM scientiae partium nulla magis, quam corporis humani, opera et cura hominum dignior est, nec, si bene comprehendi posset, ulla utilior foret. Cum enim nulla corporis actio non aliquo morbo, multaeque in omnibus fere, plectantur; ita earundem cognitio ad morbos tam cognoscendos, quam curandos, in primis valeat necesse est. Ex actionibus, quae in omni fere malo patiuntur, vitales, quibus sanguis movetur, et quibus spiritus peragitur, intelliguntur. Quae igitur cum tanti momenti sint, si earum alterutras pro disputationis inauguralis argumento sumpsero, non abs
re

re fecisse, spero, videbor. De spiritu igitur, et hunc peragentibus actionibus vitalibus, scribendum judicavi. Qua in re non tam novi quicquam aut ex propria penu adferam, quam communem doctrinam, quantum optime et clarissime potuero, tradam. Eum autem ordinem servabo, ut primum spiritum definiam; dein, quibus actionibus peragatur, eas exponam; tum, quae easdem faciat causam hujusque opiniones, explicem; postremo, quos vivo corpore usus spirandi officium praestet aut praestare creditum sit, ostendam.

SPIRITUS DEFINITIO.

Spiritus est aër in cavum thoracem receptus, et inde ejectus, citis vicibus alternatim. Quae motus alternantis celeritas in aliis animalibus, iisdem alio vitae tempore, aliisque eodem, alia est. In homine autem adulto circiter vices singulis minutis spiritus peragi solet. Cum hoc motu alternante thorax moveri,

moveri, et nunc amplificari, nunc imminui, cavus intelligitur.

Ut qualis haec spirandi actio sit, dicam; corporis vivi actiones in quatuor genera dividi possunt. E quibus, nonnullae ita voluntariae sunt, ut iis destinatos fines adpetimus; aliae non ita certis usibus inservientes, cum proclivitate ad actionem sunt; tertiae involuntariae recte dicuntur, quatenus, contra maximum voluntatis adpetitum conatumque, incidunt; quartae sine animi conscientia esse dicendae sunt, utpote quarum, in corpore existentium, ^{minime} maxime quisquam conscius sit. Primarum exempla omnes vitae actiones communes praebent. Alterae in sternutando et vomendo cernuntur. Tertias contractiones spasmodicae et convulsivae repraesentant: Cordis, vasorum sanguiferorum et intestinorum, motus quartas ostendit. Quatenus igitur spiritus percitari aut tardari, eoque vocis et similibus usibus accommodari ex voluntate potest, eatenus voluntarius dici potest. Qui, licet sic ad voluntatis arbitrium quodammodo, in vigilia, flectatur; quoniam tamen tantum-

tummodo cum propensitate, et hac perquam levi, est, et adeo simul vitae necessarius est, ut nemo sponte, nec nisi vi allata, suppresso spiritu mortem consciscere possit, ideo actionibus voluntariis eatenus annumerandus videtur. Idem denique actionum quae parum conscio animo peraguntur, quoniam et in somno, parum attento in eum animo, procedit, in numero est habendus.

DE POTESTATIBUS THORACEM CAVUM IMMINUENTIBUS.

Thorax cavus ipsius ossibus et septo transverso continetur. Quarum partium utriusvis positura mutata, thorax amplificatur aut contrahitur. Ossium thoracem cingentium positura mutata, illam cavi mutationem fieri, motus manifestus et ipsa mensura declarat. Idem septi effectus non tam manifestus est. Sed et hoc quoque posituram et figuram mutare, abdominis inter spirandum status inspectus arguit. Quin et solum, ut videtur, septum aliquando toti motui

motui sufficit. Sic Hallerus alibi *, ‘major,’ inquit, ‘pars spatii, quod thorax acquirit in inspiratione, est a septi transversae actione;’ alibi †, ‘solum,’ ait, ‘fere septum, in vivo sano, quieto respirationem perficit.’ Ubi laboriose spirat aliquis, ossium motus perspicuus est. Nec dubium est, quin mutata eorum positura ad cavum amplificandum pertineat. Verum, quo clarius spirandi negotium explicetur, et potestates id sustentantes intelligantur; quae mutationes, siue inter trahendum, siue inter emittendum spiritum, incidant, ordine exequar.

DE SPIRITUS TRACTIONE.

Ante partum et post mortem, septum transversum altius in thoracem, convexa figura, insurgit. Quod, in prima spiritus, et omni dein tractione, versus abdomen toto suo corpore, nisi ubi margine circumcirca

B fixum

* Prim. Lin. § 259.

† Ibid. § 263.

fixum quiescit, descendit, et pro convexa forma planam magis assumit. Id autem fit, quia contractio muscularis posituram, quam varii partium nexus dant, scilicet, naturalem, vi adhibita, mutat. Instrumentum hujus mutationis septi, inter medium et latus utrinque, pars muscularis est. Haec partem tendineam, unaque cum ea mediastinum, septo adhaerens, detrahit. Et sic thorax imus amplificatur. Sed et naturalis thoracis laterum et totius ambitus, musculari quoque vi, amplificatur. Quod musculi intercostales efficiunt. Quarum contractio costas attollit, attollendo extrorsum oblique paululum rejicit, et sic oppositas costarum curvaturas longius inter se disponit, diametrumque thoracis inter latera audaget. Sed et eadem per cartilaginis, costas cum sterno committentes, hoc attollit et extrorsum simul movet. Quo fit, ut a sterni quoque ad spinam diameter amplificetur. Quo modo musculi intercostales agerent, inter physiologos controversum est; e quibus non defuerunt, qui externo ordine attolli, interno deprimi, costas opinarentur.

rentur. Quod longe aliter est. Uterque enim ordo oblique costas effert. Quae obliquitas utriusque ordinis cum alterius obliquitati opponatur; ideo tenor, quo costae affurgunt, utrique obliquitati medius, et rectus est. Similique huic modo, musculorum abdominis obliquorum actio obliqua, multo plus, quam recta, ad truncum flectendum valet *. Hae sunt, quibus spiritus trahi solet, potestates.

Verum ad maiorem solito vel difficiliorem tractionem, aliis potestatibus opus est. Hae multi muscoli sunt, a claviculis, ab humeris, a scapulis, a tergi et cervicis vertebrae orientes, et costis quoque inserti.

His potestatibus aëris ambientis pondus nullum auxilium addit; quippe qui pariter extrinsecus et intus thoracem premere notus sit. Neque idem, calore intus rarefactus, et sic pulmones distendens, ad amplificandum thoracem pertinet; siquidem, quantumvis in omnes partes versus premat, nisi ei effectui

* Vid. praelect. illustr. Monr.

effectui vis major resistat, quanto magis pre-
mat, tanto certius per asperam arteriam re-
jicietur. Potestatibus igitur muscularibus,
jam relatis, et in plerisque casibus forsitan
soli septi actioni, thoracis amplificatio tribu-
enda est.

DE SPIRITUS EMISSIONE.

Status thoracis amplificatus, ei qui ante
partum et post mortem est diversus, eoque
sensu quodam non naturalis, sed violentus
quoniam est; ideo, simul ac vis, ex qua pen-
det, remota est, id est, simul ac muscoli ac
partes musculares, quorum actione effec-
tus est, relaxantur, status naturalis restitui-
tur. Relaxantur autem partes musculares,
quia stimulus, nempe molestus sensus, a dif-
ficili sanguinis per pulmones, propter vaso-
rum collapsum, transitu pendens, explicatis
vasis et facilius transfluente sanguine, agere
desinit; et quia alter, a voluntate, quatenus
haec in spiritu agit, pendens, et cum pro-
clivitate conjunctus, stimulus nunc quoque
subtra-

subtrahitur. Relaxatis sic illis partibus muscularibus, seu activis thoracis amplificati causis quiescentibus, omnibus partibus thoracis copia datur, eam posituram resumendi, quae iis, pro variis suis nexibus, maxime naturalis est. Ad quem effectum nihil his partibus, praeter earum proprium elaterem, opus est. Nexus enim, quibus suo quaeque loco aut detinentur, aut ad hunc, eo depulsi, revocantur, dati sunt. Elater autem, de quo agitur, est in imo thorace, mediaštini et partis septi tendineae; quo resiliens hoc pristinam figuram et locum recipit; in ambitu thoracis, cartilaginum, costas cum ſterno, cartilaginumque et ligamentorum, easdem cum spina, committentium; quo costae cum ſterno descendere et interius tendere permittuntur. Quam rem costarum pondus, descensum expediens, adjuvat. In eundem hunc finem conspirat, et communem effectum auget, bronchiorum, quae, paulatim cartilaginea et musculari natura deposita, ex membranacea demum constant*, resiliens, et

* Vid. praelect. illust. Monr.

et aër expellens, elater. Cum autem pulmonum elater non insignis esse videatur, vixque tantus, quantus a leviori et minime violenta aëris distensione excitari credendus sit; igitur leve hoc et vix memorabile auxilium existimandum est. Valet tamen, ut dictum est, praesertim post magnam spiritus tractionem, aliquid; siquidem, post mortem valide repleti pulmones magis, quam in vita, collabuntur. Has omnes partes adficientis elateris effectus eo major erit, quo contractiones musculares validiores fuerint, et ex loco iis naturali partes longius dimoverint. Propter autem costarum cum aliis partibus nexus relatos, illarum pondus minus forsan valet. Haecenus instrumenta, thoracis cavum imminuentia, passiva sunt, et, desinentibus potestatibus activis, a quibus thorax amplificatur, sublata vi, partibus loco dimotis, quaque in hunc, per elaterem et nexus laterales redeuntibus, isto funguntur officio. Verum,

Hic quoque activitas non deest. Nam muscoli abdominis, hoc in spiritus tractione extrorsum portrufo, distenti in actionem excitantur.

citantur. Qua actione viscera, priore de-
pressa, comprimuntur, et una cum ipso septo,
quod ante quoque descenderat, sursum sub
thoracem compelluntur. Haec soliti spiritus
emittendi instrumenta sunt, quorum activa
quaedam costas simul deducunt. Verum, in
insolita emissionem ad eundem finem, alii quo-
que muscoli, iidemque potentissimi, quorum
altera extrema costis inferuntur, altera in
partibus infra has sita sunt, cujusmodi
sacro-lumbalis, longissimus dorsi, et quadra-
tus lumborum sunt; concurrere etiam viden-
tur. Omnesque muscoli, qui sic ad thora-
cem imminuendum, sive viscera abdominis
et septum sursum protrudendo, sive simul
costas longius deducendo, pertinent, voluntati
morigerantur; ut haec quoque emissionis
spiritus, praecipue vehementioris, causis ad-
numeranda sit.

Postremo, fibrae bronchiorum musculares
altera contrahendi thoracis causa credita est,
et nunc quoque a gravissimis viris creditur *.

Quae

* Haller. prim. lin.

Quae causa eo verifimilior est, quod, licet non in cellulis minimis, certe in bronchiis fibrae musculares demonstrantur, quibus eas abesse magnus auctor † non negat. Contra, constrictionis, ipsos pulmones obtinentis, in asthma sensus, ut ab actione pulmonum pendet, optime explicabilis visus est. Quod non verifimile mihi est. In cellulas enim aëris sive introitus, sive ex iisdem exitus, expeditior, impeditiorve, totum spirandi discrimen facit. In quibus, si nemo fibras musculares inesse, nullam irritabilitatem, contendit, frustra, ni fallor, haec contrahendi thoracis causis annumeratur.

EXPLICATIONES SPIRITUS MAXIMÉ VERISIMILES.

De actione hac vitae necessaria, summaeque dignitatis, omni tempore quaestio agitata est ; eoque explicationes rationesque ejus infinitae. Quarum tamen, omnibus aliis omissis, paucis quae maxime recentes sunt,

† Praelec. Monr.

sunt, et parum adhuc refutatae, contentus
ero; et a Boerhaaviana opinione incipiam.

Ille, *et cetera*

“Aucta,” inquit, “thoracis capacitate, inter pleuram et superficiem pulmonum nihil premit pulmones, aër ergo eos inflat ingressos per glottidem, donec iterum sint, vel potius maneant, accurate contigui pleurae (604) et diaphragmati, hacque ratione efficit omnia, quae dicta (197, 200, 2, *)”
Hisce sic manentibus, aër in pulmones agit aequa vi ac thorax resistit. Itaque pulmo quiescit; hinc sanguis minus transibit; minore copia agetur in cor sinistrum; hinc minus in cerebellum ejusque nervos, tum sanguis arteriosus minus aget in musculos intercostales et in diaphragma; ergo causae dilatantes thoracem debilitantur: Hinc elater segmentorum cartilagineorum coitas iterum deprimit, adjuvantibus fibris muscularibus a latere sterni intra thoracem oriundis, et fini osseo, atque cartilagini costarum *ve-*
et cetera C *et cetera* rarum

* Instit. Boerh. 618.

rarum insertis ; tum simul restituant se diffractae peritonaei et abdominalium musculorum fibrae : Hinc pressa viscera laxum jam diaphragma sursum trudent in thoracem ; arctatur thorax ; aër expellitur ex pulmone ; fit exspiratio ; fiunt omnia, quae dicta sunt (618) ; imprimis autem binis his actionibus (618, 619,) acceleratur, atque exercetur transitus sanguinis per pulmones *. Proinde ipso hoc momento (619) iterum acceleratus sanguis incipit ad cerebellum et ad musculos fortius et copiosius fluere ; ergo renascuntur causae contrahentes intercostales et diaphragma ; redintegratur inspiratio ; sicque assignata vera, praesens, sufficiens, ratio alterni hujus vitalis motus (6) : ” Scilicet, judice Boerhaavio, pulmonum aëre distensio vasa eorum sanguifera comprimit ; hinc sanguinis ad diaphragma, musculos intercostales, et cerebellum, transitus impeditur, eoque in his partibus vis nervosa, i. e. ut ille ratiocinabatur, spirituum secretio, non

* Ibid. 619.

non satis a sanguine sustentata, imminuitur. Quo facto, debilitatis sub spiritus trahendi fine, quae musculos inspiratorios contrahunt, causis, hi, resilientibus in pristinum locum elasticis costarum cartilaginibus, et musculorum abdominalium contractione, superantur, et inde contrahatur thorax, et emittatur spiritus necesse est. Verum, cum primum ad cor perque hoc et arterias sanguis pleno rivo fluit, causae, in musculos inspiratorios agentes, revirescunt, contrahuntur denuo hi muscoli, et spiritus denuo trahitur, eique rursus ejusdem emissio succedit, et per totam vitam utraque actio sic inter se alternat.

Cui rationi, quantumvis simplici et ingeniosae, objiciendum primum est, quod nullae aliae fibrae simili modo afficiuntur; cum tamen humoris nervosi secretio, si qua vera subesset, et sic illas afficeret, simili ratione universas quoque afficere deberet; dein, etiam si sub spiritus tractionis finem, sanguinem ad sinistrum cor parcius fluere concederetur, non ideo tamen cerebellum necessarios alterno vitalium motui spiritus non, aut minus, praebere

praebere sequitur. Cui rei contrariam rem a Van Swietenio memoratam accipe. ‘Is
 ‘in cane,’ inquit, ‘cui ante octiduum ab-
 ‘scideram nervos recurrentes, ligavi utram-
 ‘que carotidem, nec potui observare illum
 ‘aliquid mali inde pati. Inveni enim hoc
 ‘animal, post alios octo dies elapsos, vegetum
 ‘et alacre. Ligavi hinc venas jugulares sine
 ‘ullo observabili malo. Post quatuor dies
 ‘inveni canem sanum omnino *.’ Tertio,
 sanguinis per pulmones influxionem non esse
 spiritus hac ratione causam, hoc apparet,
 quod, cessante spiritu et collapsis pulmonibus,
 tamen alterna thoracis contractio et
 imminutio procederent †. Novissime, aliis
 sub rebus, ut, puta, sub antlo aërio, sanguinis
 ad cerebrum influxio multo magis,
 quam, solita spiritus actione, imminuitur, ni-
 hilo tamen minus iidem thoracis motus per-
 stant.

Martinus

* Com. in Boerh. Aphor. Vol. 1st. pag. 266.

† Highmor, disquis. anatom. p. 185. Vid. memoir.
 de l’academ. des sciences, ann. 1739. 8vo. Pag. 464,
 67, 68.

Martinus medicus, sub spiritus tracti finem, nervum phrenicum comprimi, eoque septum transversum, cujus praecipua in spirandi officio actio est, paralyticum fieri, cavumque thoracis sic imminui et spiritum emitti, opinatus est *. Quae opinio, quam Boerhaaviana, neutiquam verisimilior est. Eique multa objicienda sunt. Primum enim causa relata, si vel maxime vera esse concederetur, effectui par non est ; quippe, qua posita, pars spiritus tantum, nempe, quare amplificatio thoracis desinat, sed non etiam, quare muscoli intercostales, aequae ac septum, alternatim contrahantur et relaxentur, explicatur. Dein, ipsius septi motui explicando non sufficit. Compressio enim, septi paralyfin efficere proposita, alternis illius contractionibus et relaxationibus, adeo constantibus et aequalibus, efficiendis, idonea non videtur. Sub spiritus enim trahendi finem, aëris rarefactio tanta tamve subita, quin glottide elaboratur, et sic compressionem propositam mi-

nus

* Med. Essays, vol. 1st, art. 12.

nus efficiat, vix fieri putanda est. Retentusque, sub spiritus emittendi finem, in pulmonibus aër, ad vesiculas et nervos phrenicos comprimendos, idemque quodam tenus efficiendum, satis forsitan rarefit. Quid si ad compressionem, ex hac rarefactione pendentem, imminuendam eadem causa valeret? Quinetiam, cum in omni spiritus statu pulmones aequae thoracem intus repleant, ideo prope aequa quoque aequalisque compressio fieri debet. Porro, quoniam multi viscerum abdominalium nervi, carneam septi transversi partem transeuntes, eo aequae, ac phrenicus, comprimantur, certe in fibris muscularibus, quibus insumuntur, idem alternans cum relaxatione contractio fieri, et ob eandem causam, debet. Similique modo muscoli, quorum nervi arteriae cuilibet paulo majori contigui ferantur, quive a tumore praeter naturam comprimantur, affici, et vel cum relaxatione contrahi, vel omnino resolvi, debent. Cui tamen simile nihil observatum est. ‘Qui fit,’ inquit illustris Morgagnius, ‘ut nervi intercostalis mu-
nera

‘nera ab assidua arteriae carotidis pulsatione
‘nonturbentur; praesertim cum is nervus non
‘possit cedere, sed communis ipsi et arteriae
‘ossei foraminis parietibus allidatur? Qui
‘fieri posset, ut in Veneta muliere, quam cum
‘amicis dissecuimus, cum arteriae subclaviae
‘sinistrae superiores posticque parietes in
‘aneurisma expansi, duos tresve nervos exiis,
‘qui ab inferioribus cervicis vertebrae ad
‘brachium descendunt, nulla prorsus inter-
‘posita re contingerent; qui fieri, inquam,
‘posset, ut nulla tamen debilitas, nullus tor-
‘por, in eo brachio fuerit animadversus *?’

Postremo, nervi per brevem moram com-
pressio non eum resolvit. Ita, priusquam
parvi digiti motu priventur, nervus ulnae
vehementer ab osse comprimatur necesse est.
Et, cum accidit ut sic motu priventur, id
sine partium affectarum ingrato sensu non
fit, redditque in tali casu tarde motus potestas.

Opinio, quam Bremondus recipit, antiqui-
or, nempe Arabum medicorum, ac dein Pla-
tèri, Sennerti, aliorumque fuit. Ea pulmones
se expandendi, sine expanso thorace, potestate
praeditos esse ponit. Ad quam confirman-
dam,

* Morgag. adversar. anat. vi. animad. 24.

dam, Bremondus pauca experimenta instituit. In qua, quod primum parum placet, est quod motum in corporibus animalium sine actione musculari ponere, contra rationem est. Praeterque id, ipsa hujus viri experimenta ad contrariam conclusionem ducunt. Et Roberto Whytt, nuper in hac academia Professori illustri, pulmonum distentionem, quae in maxime notabilibus Bremondii experimentis apparuit, a thoracis vulnerati praeter naturam motibus factam, assentimus. Si enim copiosius per plagam, quam glottide, aëra receptum, paululumque illud, quod glottide receptum est, in pulmonibus, donec rarefactum sit, permansisse conceditur; hoc in casu, costae prius subsidentes, quam expulsus aër est, id pulmonum, quod infra se erat, comprimerent, et, ut aëre rarefacto distentum per plagam promineret, efficerent; eandemque ob causam pulmonum et thoracis motus *αεονυχνοισι* forent. Huc addendum est, quod in omnibus hujus generis experimentis, quoties uterque pulmo aëri expositus est, collapsus esse dicitur. Alia sunt,

sunt, quae ad hanc opinionem refutandam pertinent, quae ex Roberto Whytt petenda sunt.

* Whyttii spirandi causae opinio eo pluris aestimanda est, quod magnus hujus temporis physiologus eam, mutata parte quadam, recepit. Judice Whyttio, sanguinis per pulmones transitus, post plenam spiritus tractionem, magis magisque ad ejusdem emissi finem retardatur, sanguis paulatim in vasis pulmonum accumulatur; quo facto, fibrae membranaeque sensibiliores stimulantur, sensusque plus minuve ingratus, breviorque aut diuturnior, excitatur. Is stimulus eodem modo septum transversum, quo humor quilibet asperam arteriam, vasorumque pulmonalium in peripneumonia distentio, bronchia irritans, tussim concitat, adficit. Idem vir egregius hanc opinionem hoc confirmari judicat, quod, ad spiritum facilitate sanguinis transitus opus esse, spiritumque crebriorem et laboriosiore fieri, cum minus sanguinis, sed difficilius, per pulmones, quam, cum

D

plus,

* De mot. vital. et involunt. p. 76. et seq.

plus, sed facilius, perfluit, animadvertitur. Hos ille effectus nullo nervorum, five in horum origine, five in cursu, consensu, sed principii sentientis, potestatem nervosam per molestum sensum excitantis, et ad musculos intercostales et septum transversum convertentis, vi explanat. Et, licet ea molestia insolita spiritu minus sentiatur, tamen, tum quoque lenem sanguinis calidi, in vasis pulmonum cumulati, stimulum ad effectum sufficere, tractoque spiritu et recepto aëre externo, sanguinem refrigerari, et ad sinistrum cor percitari, arbitratur. Idem, spiritus emissionem, partium sub illius tractione contractarum relaxatione fieri, ac neque principio sentiente, neque contractione musculari, opus esse, existimat. Ad summam, spiritus tractioni necessarium animum esse, nihilque consuetudinem valere, opinatur. Eodem opinante, in partu recente, aut post intermissum aliquamdiu spiritum, hic a peculiari in pulmonibus sensu, principium sentiens ad instrumenta spiritus movenda concitante, pendet. Quem sensum spiritus desiderium, seu appetitum,

situm, adpellat, tanquam iisdem naturae nostrae legibus, quibus cibus ad explendam famem, aut ad restinguendam sitim potio, desiderantur, ad aëra, cujus absentia etiam citius exitio est, attrahendum impelleremur.

Illustris praeceptor noster Cullenus trahendi spiritus quodam tenus necessitatem agnoscit. Quo tamen iudice, plena tractio, sanguinis per pulmones transitum, potenter impedit. Ultra enim certum finem distentio vasa sanguifera, praesertim numerosos et exiles illos, inter arteriae et venarum pulmonalium truncos, fines compremendo, agit. Ita in magno nisu inter spiritus, quae eum comitatur, tractionem, vultus cito turgescit, venae colli manifeste intument. Quibus notis sanguinem ad dextrum cor quiescere aut refluere, haud obscure intelligitur: Et simile impedimentum pulsus, inter spiritum altius trahendum exploratus, ostendit. Idem vir emittendi quoque spiritus necessitatem recipit. Nam, ut arbitratur, diutius retentus intus aër partem elateris perdit, distentosque pulmones fervendo ineptior evadit. Quam rem
con-

conclusi aëris effectus, ubi capitis venae turgent, confirmat. Aër sic diutius retentus, et sic rarior minusque elasticus factus, extrema vasa, ut dictum est, compremendo, emissionem ejus necessariam reddit; eoque magis, quod nocens vapor, ut multa experimenta ostendunt, in perfectiorum animalium pulmonibus genitus, ni ejiciatur, perturbando sanguinis circuitum, exitio est. Itaque spirandi actio, ut haec doctrina suadet, motum suae salutis necessarium excitat. Harum potestatum aliquae, communiter spectatae, finalem spiritus causam respiciunt; quae tamen, ni fallor, causis spiratorios motus facientibus, recte annumerandae sunt. Permanet spiritus, partim consuetudine, partim molesto post unamquamque emissionem, hujus mora multum aucto, sensu sustentatus. Consuetudo efficit, ut solitus spiritus, sine mente conscia peragatur. Spiritus emissionem, muscoli illi subservientes, sponte relaxati, membranae, ligamenta, et cartilagineae, sub tractione extenta, elatere resiliencia, et

et musculorum abdominis et bronchiorum fibrarum muscularium excitata, a praecedente distentione contractio, sustentant. Idemque vir illustris, plerosque ingratos sensus, corpus ubilibet adficientes, spiritum adficere, plenamque hujus tractionem, contractionibus muscularibus quibuscumque necessariam esse, videns, ideo sensum molestum, proclivitatem excitantem, cum musculari conatu conjungi arbitratur. Hinc ingrato aëris, qui corpus modo natum contingit, et pulmones quodammodo ingreditur, impulsui spiritus initium tribuit, pulmonesque eadem proclivitate, qua ad fugendum urinamque aut stercus reddendum, impellitur partus, ad actionem cieri credit.

Ingeniosissimi Duncani Medici, quando in hac academia de Institutis medicinae praelectiones tradidit, spiritus ordinarii explicatio ab omnibus relatis aliquantum differt. Is ingratum ante spiritus tractionem sensum esse proclivitatis ad actionem causam non negat. Verum, a solito, maximeque inter dormiendum, spiritu, aequè ac a sanguinis motu, abesse

abesse voluntatem, abesse animi conscientiam, contendit; eoque aliam causam, quam Whyttius proposuit, quaerendam arbitratur, similemque ei, a quo sanguinis motus peragitur, reperisse sese judicat. Quae ita se habet. Ut cor, praecipua, qua sanguis movetur, potestas, ad actionem sanguinis distensione; ita septum transversum, praecipua qua solitus spiritus continetur, potestas, ad actionem, ut ille credit, viscerum abdominis distensione, stimulatur. Hanc ille notionem spiritus in partu statu illustrat. In partu, qui mortuus natus sit, septi transversi centrum alte in thorace situm est. Qui ejusdem status in partu quolibet, quam diu in utero permanet, sit necesse est. Sed sic contrahi septum non potest; quippe quae contractio, nisi duarum viarum alterutra, nempe aut vacuum in thorace faciendo, aut liquore amnio in pulmones perducto, fieri nequeat. Quorum illud efficere ab actione musculari alienum est; hoc prohibet glottidis, omnes humores a pulmonibus excludentis, contractio. Ob quas causas, permanente in utero

tero

tero infante, septum, quamvis ad actionem stimulum, tentum tamen permanet. Postea vero quam elemento, cui ad pulmones liberior aditus sit, partus jam natus objectus est, protinus contrahendi se copia septo fit. Et, quoniam tensio, ad contractionem stimulus, nunc quoque permanet, ideo contractio necessario fit, et spiritus perinde incipit. Hac contractione septum ad planum, pro concavo, diducitur. Hac ratione abdominis viscera deorsum deprimuntur, et tegumenta distenduntur. Tenditur quoque mediastinum. Quo in habitu, distensione, qua ad actionem stimulum erat septum, sublata, hae partes necessario reagent, et sic cito ad pristinum statum restituentur. Quo facto stimulus, quo contrahatur septum, eademque actio redintegrantur. Sic incipere spiritus, et postea per totam vitam persistere, iisque principiis, quoties sine sensu et animi conscientia peragitur, explicabilis illi videtur. Quod, si huic opinioni spiritum ex voluntate, sed non sanguinis motum, pendere objiciatur;

id

id diversis musculorum, huic aut illi actioni
intervientium, statibus tribuendum est. Vo-
luntatis in cor potentia aut cito perit; aut
nunquam fuit. Septum transversum, ex
frequente in vitae cursu usu, aut fit; aut, si ab
initio fuit, perstat esse, musculus voluntari-
us. Idemque aequae, ac alii muscoli volunta-
rii, stimulorum potentiae perinde subijcitur;
ac si voluntati nunquam paruiisset. Quae
principia omnes spiritus conditiones explica-
re videntur. Solitus, ubi sine animo conscio
fit, distensionem, septum transversum stimulan-
ti, tribuendus est. Cum solitus actionis ordo
unde unde interruptus est, molestia, impe-
ditum sanguinis motum sequens, causa fit;
et solitae causae stimulo proclivitas super-
additur. Per voluntatis potentiam, quia
musculus voluntarius septum est, ideo ejus
actio brevi mora sisti et variare potest. Quae
tamen, cito contra voluntatem intermissa,
redintegratur; quia tum denique stimuli,
quem distentio dat, et ad actionem procli-
vitas potentia, voluntatis potentiam superat.

QUOS

QUOS USUS SPIRITUI SCRIPTORES TRIBUERINT.

Ex multis usibus, quos spiritui scriptores, et alios alii, tribuerunt, maxime memorabiles referam, et propriam subinde sententiam interponam. Unus usus spiritus, ut inter plerosque convenit, est sanguinem per pulmones percitare. Nec is mihi dubitabilis est; non enim totius corporis sanguis per pulmones collapsos transire posse videtur. Cumque, nec plene tracto spiritu, facile transeat, quia non summa, sed modica distensio percitat, ideo post tractionem emissio necessaria fit. Et, quanquam Joannes Fordycius, medicinae Doctor Londinensis, neget, ipsam alternationem ad celeritatem sanguinis conferre, exploratum est; siquidem, deficiente spiritu, tardari per pulmones sanguinem observatum est. Sed, quamvis in hunc usum spiritus necessitatem agnoscimus, eandem pro causa vix recipimus; quia, quare per pulmones sanguis omnis transeat, quae-

E

rendum

rendum recurrit, dicique posset, sanguinem spiritu ideo percitari, ut effectui, alioquin a primo illius actionis usu orituro, obviam eatur? Sanguinem omnem per pulmones pertransire, factum est notabile. Quod aëris cum sanguine miscendi causa nonnulli fieri existimant. Hoc multi clari viri, interque eos Senaacus, opinati sunt. Aërque in sanguine repertus opinionis causa praecipua fuit. Verum, cum quidquid aëris in sanguine repertum est, id omne fixum sit, nec, eum in pulmonibus sic figi posse, facile concipi possit; isque in chylo pariter fixus reperiatur; ita minus verisimilis illa opinio est.

Alia opinio nitrum sanguini per spiritum adjici ponit. Cum enim, post spirandi actionem sanguis ex atro, qui in venis est, colore, in florentem, qualis in arteriis cernitur, mutetur, et nitrum ei additum similem mutationem efficiat; ideo nitrum inter spirandum addi, et inde sanguinis arteriosi colorem esse, existimatum est. Quae opinio eo minus recipienda est, quod nitrum in aëre esse neutiquam exploratum est, quodque aliae

liae salinae materiae, quae in aëre non sunt, eundem colorem sanguini impertitunt.

Spiritus chylum addensare, et sanguinis partes commiscere, dictus est. Fieri que potest ut, ad sic miscendum sanguinem, quodammodo pertineat. Quod utique memorabilius non est, quoniam neque actioni majori, neque aëri frigidiori in pulmonibus, quam alibi, sanguis objicitur. Ingeniosus in primis noster Praeceptor Josephus Black pulmones pro centro seu fonte caloris animalium habet. Cui opinioni, cum tanti viri venia, minus hoc assentio, quod, cum pulmones apostematis obstructi, et ulceribus absumpti sunt, non imminuitur calor, ut e contrario augeatur, et is fiat qui hecticus dicitur; quodque partis inflammatae, quantumvis a pulmonibus distitae, calor, quam uspiam alibi, major est. Unde calorem animalium a sanguinis per pulmones motu non esse credibile est. Peritissimus anatomiae pariter et physiologiae Praeceptor noster Alexander Monro, utile aliquid per spiritum ab aëre accipi

accipi ita conjicit, ut pro conjectura sola tradat. Quae conjectura vera sit, necne, non dicere aulam. Sed haecenus nulla sic credendi causa alia succurrit, praeterquam quod omnis sanguis per pulmones transit.

Alia opinio, a plerisque nunc recepta, aëra noxium e pulmonibus spirandi actione ejici, proponit. Quam quidem experimenta de aëre a pulmonibus emisso, colorisque, quam sanguis post spiritum subit, mutatione, instituta confirmant. Aëra, qui pulmonibus recipitur communem ambientem esse constat. Qui emittitur, diversum esse, proprietates novae docent; utpote, cum neque vitae tuendae, neque inflammationi alendae, sed utrique extinguendae, habilis reperiatur. Unde noxam aliquam rejici haud addubitantum est. Quae sola aëris, communis et innocui, sic corrumpendi causa esse potest. Quicumque igitur alius spirandi usus sit, hunc unum et praecipuum esse, nemo inficias eat.

Sic autem aërem communem vitiari posse, alia quoque docent. E quibus ardentia corpora

pora

pura ad rem sunt, quae similes aëri communi proprietates impertiunt.

Sanguinem venosum atrii coloris, arteriosum florentis, esse, inter omnes nunc fere constat. Ille paulatim in sanguinis cursu, sed potissimum forsitan in vasculis capillaribus, effici videtur, et pro certo in pulmonibus ad pristinum restituitur. Quæ res, materiem fontem, quæ ex pulmonibus emittitur, atrii coloris causam esse, fidem faciunt. Mihi quidem verissimile est, sanguinis, aequæ ac aliorum humorum, coloris causam phlogiston esse, et aliorum humorum alios colores, aut ejusdem alio tempore, ab illo, magis aut minus evoluto, pendere. Per perstantem autem vasorum, circumfluente sanguine, actionem facile evolvetur, maximeque in capillaribus, ubi tardissimus forsitan motus, et, si hypothesein recipere velis, validissima actio est. Praeterque res jam relatas, opinionem multa confirmant, et, praeter caeteris, similis spirandi et ardendi in aëre effectus, omniaque argumenta, aërem mephiticum conjuncto cum communi aëre phlogisto

gisto fieri, declarantia. Hujus notionis fundamentum qui jecit inter primos fuit vir ingeniosus M'Clurg. Materia quaedam certe sanguine excernitur, quam phlogiston esse mihi verisimillimum est; cujus, postquam vasorum actione evoluta est, excretio, qua pristinum sanguis colorem recipiat, necessaria esse videtur. A phlogisti igitur evoluti copia sanguinis colorem pendere, et hujus mutatione confirmari judico. Nec alia idem efficere dubitandum est. Sic nitrum additum similiter sanguinem venosum mutat. Quod, cum acidum nitrosum et phlogiston adeo valide alterum ab altero attrahantur, inde fieri credibile est. Et, si ita est, five phlogiston effugiat, five ab addita materia attrahatur, idem fiat necesse est. Eoque, ubi nulla materia, quae phlogiston attrahat, addita est, materiam colorificam effugere, et sine eo effugio sanguinem cito vitiatum iri, credendum; eoque magis, quod assidue illud evolvi, assidua vasorum actio suadet. Ex quibus omnibus, five rebus veris, five rationibus,

nibus, praecipuum spiritus usum esse, phlogisto effugiendi copiam praebere, concludo.

Cui tamen opinioni nonnullae res verae adversari videntur. Partus in utero, et animalia non in aëre viventia, non spirant. In quibus phlogiston effugere quia non dandum est, ideo sanguis ex opinione nostra degenerare debet. Verum, si spirandi usus est excrementosum aliquid, quod retentum humores vitiaret, excernere, inde illum partui intus non necessarium esse videatur. Quod ita esse humorum in partu status rite perspectus suadet. Bilis et urina, quae post partum qualitatibus evidentibus insignes sunt, in partu harum expertes sunt. Cumque huic sanguinem mater praebeat, ita idem pro ejusdem corporis parte, donec nascitur, habendus est. Diluetur id, quod secundo objectum nostrae opinioni est, si animantium, non in aëre viventium, quam diversi ab humanis humores sint, animadvertatur. Piscium humores sic toto coelo differunt *. Et forsitam

* Haller. prim. lin. § 277.

forſitanq̃ iidem non pariter in omnibus animantibus vaſorum aſtione degenerant. Inter ſanguinis colorem et ſpiritus ſtatum nexus intercedit. Mammaliorum ſanguis maxime, piſcium minime, rubet. Unde ſpiritum magis aut minus intégnum eſſe, prout humores ad quos corrigendos comparatus ſit, magis aut minus vitientur, videatur. Cum eadem aſtione multi corporis niſus connectuntur. Spiritus et muſculorum aſtio, eum ſuſtinens, in omni doloris aut moleſtiae amovendae conatu, excitantur *. Suſpirium, oſcitatio, olfactus, et lactatio alto ſpiritu peraguntur. Per emiſſionem ejuſdem loquimur. Sternutationi, tuſſi, riſui, ſingultui, anhelationi, ſletui, partus, urinae et ſtercoris excluſioni, tracto pariter et emiſſo ſpiritu, opus eſt. Alternans ſemper pulmonum, thoracis, ſepti tranſverſi, et aliarum partium in ſpiritu agentium, motus ad ſanguinem per venam portarum, ubi, contra ſuum pondus, ſine valvularum

* Cullen. prim. lin. phyſiol. § 193.

D E S P I R I T U.

41

vularum sustentaculo, fluens, tardatur, percitandum multum pertinet. Idem secretiones in abdomine, et praecipue bilis e vesica felligera, expulsionem et in duodenum transitum, adjuvat. Quod auxilium eo magis requiritur, quod vesica felligera vel ductus biliarii instructi fibris muscularibus, necne, sunt, incertum est. Quae spiritus actio, jecur et vesicam ejus afficiens, quantum valeat, emeticorum in ictero magnus usus docet. Hi spiritus usus, licet aliis minores, ab omnibus, qui hoc argumentum tractaverunt, relati sunt.

F I N I S.

